

Pwyllgor Adnoddau Dynol (Cyfarfod Arbennig)

18 Mai 2022

Yn Bresennol: Cynghorydd M James (Cadeirydd)
Cynghorydd Mrs D Clements, Dr R Heath-Davies, Mrs J James,
Cynghorydd PJ Morgan a'r Cynghorydd S Yelland.

[Cyrrhaeddodd Mr GA Jones cyn ystyried yr adroddiad.]

(Cyfarfod rhithiol: 2.00p.m. – 3.40p.m.)

1. Ymddiheuriadau am absenoldeb

Derbyniwyd ymddiheuriad am fod yn absennol oddi wrth y Cynghorydd ML Evans a'r Cynghorydd A Wilcox.

2. Datgan Buddiannau

Nid oedd unrhyw ddatganiadau buddiant.

3. Eithrio'r Cyhoedd

Penderfynwyd eithrio'r cyhoedd o'r cyfarfod gan y byddai gwybodaeth eithriedig, fel y'i diffinnir ym Mharagraff 12 o Ran 4 o Atodlen 12A i Ddeddf Llywodraeth Leol 1972, yn cael ei datgelu.

4. Penodi Cyfarwyddwr

Rhodddwyd gwybod i'r Pwyllgor bod Cyfarwyddwr Cynllunio a Chyfarwyddyd presennol y Parc wedi cyflwyno ei hymddiswyddiad. Gan fod penodi Cyfarwyddwr yn dasg a ddirprwywyd gan yr Awdurdod i Aelodau'r Pwyllgor Adnoddau Dynol, gofynnwyd felly iddynt gytuno ar y broses.

Gofynnwyd i'r Aelodau ystyried nifer o faterion, gan gynnwys yr angen am y rôl a gofynion y swydd. Cytunodd yr Aelodau ei bod yn bwysig recriwtio i'r swydd, ond y dylid bod yn ofalus wrth bennu'r gofynion i annog maes eang o ymgeiswyr. Nodwyd bod yna fanteision i ddefnyddio y teitl Cynllunio yn hytrach na Chreu Lleoedd ar gyfer recriwtio. Aeth yr adroddiad ymlaen i amlinellu'r broses recriwtio, oedd yn cynnwys defnyddio ymgynghorydd recriwtio, a'r amserlen.

Gan y byddai Cynghorwyr newydd yn cael eu hethol i'r Awdurdod Parc Cenedlaethol yng Nghyfarfod Blynyddol Cyffredinol Cyngor Sir Penfro cyn hir, mynegwyd peth pryder y byddai'r Pwyllgor Adnoddau Dynol fyddai'n cyfweid y Cyfarwyddwr yn cynnwys Aelodau gwahanol i'r rhai oedd wedi cytuno ar fanyleb y swydd. Awgrymwyd felly y dylid gofyn i'r Awdurdod Parc Cenedlaethol benodi Panel Penodi Cyfarwyddwr sy'n



cynnwys yr Aelodau hynny o'r Pwyllgor oedd yn bresennol y diwrnod hwnnw, ac oedd yn parhau ar yr Awdurdod, i symud y broses yn ei blaen.

[Cyflwynodd Dr R Heath-Davies ei hymddiheuriadau a gadawodd y cyfarfod yn ystod y drafodaeth. Ymddiheurodd y Cynghorydd M James hefyd bod yn rhaid iddo adael y cyfarfod cyn cynnal y bleidlais. Llywyddwyd gweddill y cyfarfod gan Mrs J James, y Dirprwy Gadeirydd.]

Penderfynwyd:

- a) Cytuno i recriwtio Cyfarwyddwr i'r portffolio Creu Lleoedd, Datgarboneiddio ac Ymgysylltu;
- b) Cytuno ar ofynion y swydd, fel y nodir yn yr adroddiad;
- c) Cytuno ar wasanaethau'r ymgynghorydd recriwtio, Gatenby Sanderson;
- d) Dirprwyo'r cyfrifoldeb am reoli'r broses recriwtio i'r Prif Weithredwr a'r Rheolwr Adnoddau Dynol.
- e) Gofyn i'r Awdurdod Parc Cenedlaethol benodi Aelodau o'r Pwyllgor Adnoddau Dynol oedd yn bresennol y diwrnod hwnnw, ac oedd yn parhau ar yr Awdurdod, ar Banel Penodi Cyfarwyddwr er mwyn cynnal dilyniant.

5. Ailstrwythuro

Cafwyd trafodaeth fer ar yr hyn yr oedd Aelodau'n disgwyl ei dderbyn cyn cyfarfod y Pwyllgor Adnoddau Dynol ar 25 Mai 2022 fyddai'n ystyried canlyniadau'r ymgynghori â'r staff ar yr ailstrwythuro. Roedd hyn yn cynnwys diweddariadau ar y broses, ymgynghori, strwythur y sefydliad, cynllun integreiddio ac elfennau ariannol. Atebodd y swyddogion mai'r gobaith oedd y byddai'r meysydd hyn yn cael sylw yn yr adroddiad oedd yn cael ei baratoi ar y pryd. Awgrymwyd hefyd y dylid rhannu'r strwythur diwygiedig â'r Aelodau eraill nad oedd yn aelodau o'r Pwyllgor i roi'r wybodaeth ddiweddaraf iddynt am y camau ymlaen, gan ddweud bod cyfathrebu yn allweddol mewn unrhyw broses o reoli newid.

Nodwyd.

Cadarnhawyd y cofnodion hyn yn y cyfarfod o'r Pwyllgor Adnoddau Dynol a gynhaliwyd ar 29 Mehefin 2022 heb eu diwygio.

